

մար տարէք նրան և ցոյց տուէք թէկուզ թիֆլիզ հայաբնակ քաղաքի փառաւոր եկեղեցիներն ու բազմաթիւ դպրոցները, հոյակապ տներն ու թանկագին ապրանքներով լիքը մեծամեծ խա-նութները, որոնք ամեն մի չտես Հայ գիւղացու ախորժակն են գրգռում, աչքերն են շացնում և նրա սիրտն ու հոգին են գրաւում: Այն ինչ հայ-բենասէր Ուտիացի Հայը այս ամենը տեսնելով, հաւանում է միայն փառաւոր եկեղեցիները, բազմաթիւ դպրոցները և ընտիր նժոյգ ձիերը: Բայց մի ամիս թիֆլիզում ապրել նա չի ուզի, եթէ մինչև անգամ թիֆ. բոլոր ճոխութիւնն ու հարս-տութիւնը իրեն նուիրելու լինիք: Նա գոհ սըր-տանց ան քաշելով, իւր սրտի խորհուրդն ու տենչանքը կասէ ձեզ այսպէս. «Ա՛խ, երանի այս քարաշէն տներն ու եկեղեցիները, այսքան գեղե-ցիկ դպրոցները շինուած լինէին մեր գիւղում, հէնց մեր այգու շագանակի ծառի մօտ, որ ան-խիղճ և անօրէն թուրքերը չկարողանային այրել ու կողոպտել նրանց, որ մեր գիւղացի հայն էլ կարողանար կարգին եկեղեցի ունենալ և իւր զա-ւակներին կրթել տալ այս հրաշալի դպրոցների լուսաւոր յարկի տակ: Ա՛խ, երանի թէ այս սի-րուն և ամենի նժոյգները լինէին մեր գիւղերում, որ հեծնէինք նրանց վրայ և գնայինք ս. Եղիշէի առաքելոյ վանքը ուխտի և կամ Մուղանի անա-պատը՝ Կուր գետի ափերին առատութեամբ վայրենի խոզեր ու եղջերուներ որսայինք»: Ինչ-պէս ասացի, Ուտիացին չափազանց համբերող ու չարքաշ է, բայց երբոր իւր համբերութիւնը անց-